

Ulloq . 13. januar 2017

Inatsisartut suleriaasianni paragraf 37 naapertorlugu matumuuna Naalakkersuisunut apeqquteqaatit imaattut nassiuppakka:

Apeqqutit:

- 1. Inissiat nalinginnaasut¹ Nuummi ukiut 4 kingulliit nutaat qassit naammassillugit sanaartorneqarpat?**
- 2. Inissiat nalinginnaasut ukiut sisamat kingulliit sanaartorneqartut naammassillugit, qassit Namminersorlutik Oqartussanit akilerneqarpat pigineqarlutillu, qassillu Kommuneqarfik Sermersuumit akilerneqarpat pigineqarlutillu?**
- 3. Inissiat nalinginnaasut ukiut sisamat kingulliit sananeqartut naammassillugit, Namminersorlutik Oqartussat sanatitaanni kvadratmeterimut agguaqatigiissillugu qanoq akeqarpat, taamatullu Kommuneqarfik Sermersuup sanatitaanut naammassillugit, kvadratmeterimut agguaqatigiissillugu qanoq akeqarpat?**
- 4. Ukiuni qulaani pineqartuni, tassalu sisamani kingullerni, Nuummi inissiat qassit nunguterneqarpat, allatulluunniit atorunnaartinneqarpat/ineqarfiujunnaartinneqarpat?**

(Inatsisartuni ilaasortaq Jens-Erik Kirkegaard, Siumut)

Tungavilersuut:

Ukiuni amerlasuuni innuttaasut Kalaallit Nunaata sineriaaniit Nuummut nussorput.

Taamaamat piviusorsiorpumik pilersaarusiussagaanni pissusissamisoorpoq paasisaqarfigissallugu inissiat pisortanit sanaartorneqartut amerlassusaat qanorlu akeqarnerat ilisimassallugu.

Kissaatigaara apeqqutikka ullut suliffiusut 10 iluanni akineqassasut.

¹ Almennyttige boliger